

tia, escharotica & caustica. Sed sepositis reliquis hâc vice solum-
modó vesicantia digna judicavimus, quæ pro LOCO in FACUL-
TATE MEDICA impetratô, brevibus proponamus, & summô fa-
vente Archiatrô, placidè ventilemus.

CAPUT I definitionem nominalem explanat.

VESICANTIA nomen ab effectu sortita sunt, cùm vesicas vel
pustulas parvas, veluti bullas, supra cutem eminentes ex-
citent.

*Ἄγ' κανθαρίδ' ἐκδέξα, per cantharides excoriantia appellat
Dioscorides lib. 3. cap. 63. & urendi potestate aliquam partem aufe-
rentia, ἄπο τῆς ἐκδέξεσθαι, quod in animalibus est excoriare; in ar-
boribus autem excorticare.*

*Per sinapismum exprimit Hærniius method. ad praxin lib. 1.
p. 139. & lib. 3. cap. 11. Alii phœnigmm i. e. ruborem in parte per
medicamenta excitatum, adpellant. Sic Nicol. Piso de cognosc. &
curand. morb. lib. 1. cap. 11. phœnigmm, ait, rubificat, & in parte si-
nitur, dum ampullæ tumeant; & Hollerius de mat. chirurg. lib. 3. c. 5.
phœnigmm rubore factô etiam vesicas movere & exulcerare scri-
bit. Verùm, nomina hæc perperam confundi, jam patebit; siqui-
dem vesicatoria terminos circa magis & minùs distinctos habere,
ideò & illa latitudinem quandam continere, constat. Etenim alia
debiliora sunt, alia fortiora. Nonnulla cuti superimposita, eam
tantùm in ruborem & tumorem attollunt, & calore, pruritu mor-
sugue suo afficiunt, & incendunt quidem statim, sed ita calida non
sunt, ut eandem urant. Eapropter rubificantia vocantur, & intra
terminos attractoriæ facultatis continentur, ut sunt dropax, sinapis-
mus &c. Alia præterquàm quòd rubificent, tandem etiam urunt &
vesicam excitant. Alia vesicam excitant per se, sed longiori morâ
& majori quantitate cuti superimposita, eandem perrumpunt &
exulcerant. Hæc ad infimam causticorum classem pertingunt, &
propriè vesicantia dicuntur, juxta Fienum de cauteriis lib. 2. cap. 4.*

Ratam